

BEN BEN VENI MAG

Esempio piemontese di un canto di questua legato al Maggio. Raccolto a Villanova d'Asti dal repertorio di Teresa Lanfranco.

**Ben ben veni mag,
ben ben veni mag,
quand c'a turna 'l meis 'd mag.**

O vui padruna,
si völi nen chërdi
che 'l mag sia rivà,
facevi d'la finestra
e lu vedrai piantà.

Ben ben...

Guardé la nostra spusa
cum'a l'è bin dubà,
a smia la fiur del persi
quand ch'a l'è butunà.

Ben ben...

Guardé la nostra spusa
che bel vestì ch'a l'à,
chissà chi l'à cumprailu,
sarà la sua mamà.

Ben ben...

Guardé la nostra spusa
che bel capel ch'a l'à,
chissà chi l'à cumprailu,
sarà 'l so papà.

Ben ben...

Guardé la nostra spusa
che bel anel c'a l'à,
chissà chi l'à cumprailu,
sarà 'l so 'namurà.

Ben ben...

Intruma in custà cà,
s'a j'è 'd la brava gent,
ciamuma 'n po' 'd licensa
sa sun tuti cuntent.

Ben ben...

O vui padruna,
si völi paghé,
nijait suma da viagi
e via duvuma andé.

Ben ben...

O vui padruna,
che l'evi pagà,
preguma sant'Antoni
ch'av deja la sanità.

Ben ben...

O vui padruna,
che l'evi nen pagà,
ji scalabrun an testa
e le vespe an sen.